

黎文僖公集

黎文僖公集卷之十一

墓誌銘

奉天翊衛宣力武臣特進榮祿大夫柱國保定侯
這封蠡國公謚襄靖梁公墓誌銘

公諱珣字惟善姓梁氏故保定伯銘冢嗣其先世伯益
之後周封梁伯居夏陽因氏焉歷漢唐多名宦至宋李
有諱暹者始徙家河南占籍汝寧府汝陽縣之東城即
公高祖也曾祖玉仕元為右翊萬戶祖來仕元為浙東
錢塘縣尉元命既革歲丙午玉率所部歸我

太祖高皇帝從克溫台陞百戶後俱以銘貴追封保定
伯曾祖母龔祖母陳追封伯夫人銘字自新洪武初隨

太祖定四方永樂初隨

太宗靖內難征遼北積效勞勩歷千戶指揮累官後軍都督府同知洪熙乙巳

仁廟即位連錄銘舊功進封保定伯妻王氏封伯夫人母追封太夫人公雖生富貴幼好讀書歷覽諸史闕於武畧每論古將帥用兵利鈍成敗皆達其要性簡夷人或忤之不較識者預知其為偉器矣宣德丁未銘領兵征交趾至古隴縣遭疾卒公不憚險遠躬迎柩歸金陵葬祭如禮念太夫人年高家居七八年躬職孝養有疾則躬侍藥粥先嘗以進無間寒暑歲乙卯公薨既壯始疏先世功自陳

宣廟念公勲舊允襲伯爵公益自策勵夙夜勤慎未嘗
統領五軍營紀律明肅士卒屬心尋督脩京都倉庫政
有成績正統戊辰福建民叛

英廟命公克副總兵征之至則誅偽閩王鄧茂七景泰
庚午湖貴二藩苗蠻寇邊命公克總兵官掛平蠻將軍
印統軍往勦之至則擒偽苗王常同烈披山通道追奔
所及每戰皆捷進躋零香等寨斬賊帥苗銀虎等萬餘
人披靖州東山口泉賊帥伍林等千餘級鏖龍家隘勝
賊帥仲原等數千其餘覆巢穴焚戰艦奇功妙美不可
數計閩越湖貴之地不一二年悉定人民底寧明年班
師朝廷嘉其功甲戌進封公保定侯都督右軍府事

賜誥券并賞金織襲衣白金綵幣天順改元

英廟復位圖任舊人是年秋加封公奉天翊衛宣力武
臣特進榮祿大夫柱國保定侯歲祿一千五百石賜誥
券子孫世襲妻錢氏封侯夫人冬

上慮陝西三邊要地命公克總兵官往鎮之賜勅諭誠
及賞蟒服二襲白金彩幣寶楮有加二年戊寅虜果寇
涼州公奉命提本鎮兵合定遠伯所統兵往討之定遠
見虜勢銳稍却公曰人臣受國委任當不畏死不榮幸
生何如是遂單騎陷陣大軍繼進虜酋大敗遁去西陲
以安甲申

今上即位召公還朝仍都督左軍府事優其老也公出

入中外三十餘年小心敬畏受知

列聖恒有賜賚官至極品始終保全人罕與比而尤善處同列或言有不合包含不發待將校恕其不及久益親附善撫士卒寬而有制雖領軍權不妄殺人鄉里故舊孤寒者每加周卹雖子孫亦推恩保茆舊識歿而貧者助其喪葬作家訓五條遺子孫大抵皆忠君孝親敬長慈幼信朋友恤軍士節財用等事人以為名言疾篤泣謂太夫人曰我生甲子已一週遭際恩榮分茅胙土極矣所恨者前不得侍父之終今不能終母之養雖有三子皆幼不幸中道至於永訣為不孝也言既卒計聞上深悼惜輟視朝一日遣禮部左侍郎萬安諭祭命工

部治喪葬追封國公謚襄靖賜賻甚厚京師親王遣
祭公侯六卿皆詣吊賻公生永樂丁亥五月十日卒成
化丁亥十二月十日壽六十一配夫人錢氏都指揮錢
義女有賢行先十二年卒葬宛平縣香山之原今卜戊
子歲三月十二日以公與夫人合葬子男三孟曰傳其
母張仲曰任其母郭李曰信其母楊皆側室子也公之
葬其弟琦奉鴻臚少卿石公所著事狀來請銘予念公
為國勲臣雖世握兵柄然能義其兵以有功於天下仁
其世以有光於厥先蓋今之良將帥也安得辭銘曰
皇明啓運天眷有歸風虎雲龍翕會氣機內難底平外
氣咸廓駐懔景從疏封列爵公襲世德奮武以振登壇

授鉞為國蓋臣綱領帥垣萬眾攸屬惠同春和令如秋
肅蠻猖于楚夷梗于閩

帝曰卿來往定我民公奮前驅孰抗孰禦徠洞蠻溪畢
霑甘雨醜虜作孽騷我北邊

帝曰卿來往被殪公效駿奔摧鋒萬里腥穢蕩除疆
場寧止金戈鐵騎出斬鯨蛟蟬冠麟服入鞏國基心膂
股肱人嗟公貴維孝維忠我服公義河山帶礪傳襲後
賢公比長城曷不百年公何憾哉

三朝名將公所遺憾白頭違養於乎襄靖沒世不忘太
史刻銘泉壤有光

榮祿大夫中軍都督府都督同知武公墓誌銘

皇明合四海為一家外蕃俊彥歸中國克效賢勞子孫
皆世爵尊天命也若今都督同知武公是已公諱忠字
世英先世海西木里吉寨人仕遼金元世華茅土入
國朝洪武初有諱武雲者率其子滿哥禿孫可你亦失
哈慕義來歸

太祖高皇帝嘉其一門敬順天道尊事

朝廷也賜姓武氏授田宅給餼廩恩養甚厚其後亦失
哈入內廷為奉御歷陞太監鎮守遼東雲即公曾祖滿
禿哥即公祖可你即公父亦失哈即公從父也洪熙乙
巳奴兒干梗化

命亦失哈招撫公從之有功宣德丁未歸授錦衣衛

戶戊申再隨亦失哈往奴兒干中道奉勅諭山後有功賞彩幣辛亥復隨亦失哈往奴兒干癸丑歸獻海青三百餘賞金織襲衣及彩幣甲寅隨征開原度遼河至察罕腦兒追還所掠甚衆正統丁巳虜犯鐵嶺公偕都帥追擊至鴨河殲厥渠魁壬戌隨總戎巡邊至白海子遇虜選公為前鋒追至老河擒斬功多援例還海西省謁時公從父乃當哈任玄城衛指揮僉事年老無嗣託公為後襲其職巡撫暨總戎以聞朝廷特允之命帶錦衣衛俸仍守玄城丁卯調征義州公陷陳與虜戰被傷全勝而歸陞指揮同知戊辰復往海西招撫賞彩幣寶楮已巳追錄舊勞陞指揮使是冬虜犯京畿調公策

應遼東以薦領五千總景泰庚午太監年高

命回京公偕來天順丁丑

英廟復辟命總通事日侍御前秋往山東安置來降

韃官陞都指揮僉事己卯三月建州古納哈董山等叛

命公賫勅宣諭凡歷五十四寨悉服罪偕來賞襲衣彩

幣庚辰朝鮮侵噬海西事聞

命公偕給事中張寧賫奉勅諭事畢還賞襲衣彩幣尋

坐園子手營辛己曹賊反公隨總戎平之陞都指揮同

知成化乙酉命協贊顯武營進克叅將戍鴈門關陞辭

賞彩幣白金丙戌歸總戎舉公將材陞署都指揮使是

冬

命往喜峰口迎北使丁亥董山等復叛仍

勅公招撫備歷險艱隨機勸導遂招董山款赤等二百
五十一人暨向化女直劄立答等入朝索還被虜男婦
百餘仍偕劄立答賫勅四十八函詣嘔罕河等衛宣諭
邊境皆寧歸至遼東命充叅將統左哨往建州討叛虜
全勝而還實授都督僉事掌立威營繼以公功高未報
進都督同知庚寅以疾終于正寢十二月三日也距其
生永樂辛卯六月二十二日壽六十訃聞

上哀之詔禮部遣官致祭兵部如例官其一子工部營
葬事公儀觀魁梧智識豁達長於騎射不學而能事先
孝教子嚴而有禮居常寬裕慈愛簡於細務至謀事決

策剛毅敢言銜命出使凡二十餘行未嘗一難於色臨
陳衝突意思安閑所向克成君子稱其治家豐儉守官
勤慎富貴不驕好惡不偏為將帥優等非溢美也予在
天順間最辱厚公仰惟

英廟率勸群臣政暇恒親課諸將射行賞罰惟公箭及
三百步每發奇中

睿旨憚焉後聞公使朝鮮國王邀之閱射北門弗知公
精此藝也與之弓請射公一挽隨手而折再與之又折
其群臣皆嚙指王曰與吾自用弓公執而調之曰可矣
因問欲何射王指飛鴈蓋難之也公一發鴈應弦而落
舉國歎服王即以弓贈之稽顙聽命其武畧如是招撫

蓬州時小酋多雄傑未官謾曰 朝廷何為無我勅公
疊高案令俯伏其下命從者展他勅於上歷呼其名讀
之皆喜躍去其權謀又如是凡為使能此遠人寧不服
哉先娶孫氏太傅會昌侯之子早卒繼娶蔣氏都指揮
淑之子俱封夫人子男八振櫻掇拯揀拱授第八男早
卒振以功授錦衣衛百戶櫻襲蔭任羽林前衛指揮僉
事女六長適府軍前衛指揮同知元某餘在室孫男女
各二俱幼墓在京畿郭村坰先塋葬以辛卯年正月某
日振等乃奉山東布政司左叅議直文淵問臨淮凌光
遠狀來請銘銘曰

滇海之西疆土際天虞建五長周服鎮蕃家之子之自

我

烈祖來王來歸有偉斯武公奮厥庸諸父是從于家顯
於國盡忠惟質之良惟心之直有容有為有勞有蹟
弦弧列矢蓋取諸睽公精其藝威歷遠夷重門擊柝蓋
取諸豫公守其要勢雄邦內泛槎走騎銜命羶廬馬跡
所歷幾遍海隅晚從元戎靖難芟寇崇勲峻階疊承景
佑蟬冠玉帶日侍九天豐爵屢昌太命弗延賻葬有儀
衣榮終始誄行琢詞信傳太史

犀溪陳先生墓誌銘

宣德正統間先大夫松亭府君為縣脩寧因俗致治其
邑之賢俊資以成德取之為友者得犀溪陳先生邦憲

馬遠致政歸甫六稔餘而先生暨先大夫接迹皆奄棄
矣茲予幸竊祿于朝先生之子鳳陽輩亦皆挺特成
立克振前業頽仰今昔良足痛哉鳳陽將卜袞事乃走
价京師奉西安郡推王伯翰所述事狀託予為先生銘
嗚呼此義攸在是亦無庸默爾按狀先生諱偃字邦憲
姓陳氏別號犀溪人稱為犀溪先生其先世江州義門
宋南渡時有諱某者始徙家分寧之龍峯即高祖也曾
祖某祖某再徙縣西義井子孫蕃衍族居三百爨食指
踰數千人考萬輝妣某氏復徙邑之黃土嶺始定家焉
先生伯仲八人時以比荀氏八龍而其行第六人亦謂
與慈明等幼時從學鄉塾師王凝輝治春秋業凝輝器

許之然以丁產之富樂志田園無功名意日惟觴詠於
鳳山脩水間吐辭成章膾炙人口聞見博智慮周凡料
事多先中然不限巨細必詳審精密時然後動故終其
身免後艱事父母惟古人是期日致旨甘滫瀡之奉歲
時伏膺稱觴上壽必誠必敬得其懽心物時新者親未
食不入口或時饌服欠豐潔即赧然自傷嘗謂人曰古
昔養親極力營辦不以貧儉今恒產頗豐衣食自當厚
寧容簡其禮以累口體取譏議耶鄉人貸者不責生息
公平之譽流布四方里閭遠近有紛爭未決者或不訴
官徑之先生質厥成得一言即枉直明白退而感謝不
復健訟邑之貧民或假貸徭役或應給戎伍或貢賦弱

風儻未免投產於人富家利之輒減其直有李完者詣
訴先生酬所直三倍之契券既立仍聽自佃不取其凶
歲之租遇人有賣子女者輒為捐金贖還如是者十餘
輩好賢喜客遠方寒士過門請謁皆厚其幣贖嘗值歲
歉

朝廷行勸分之政慨然曰積而能散吾黨事也遂以父
萬輝命出粟千石有奇于官以資賑濟

詔旌萬輝義民復其家先生又作糜以給流丐捐帑以
惠困厄一時活者其衆前國子祭酒胡頴菴作詩羨之
人傳誦焉先生孝弟行於家忠信孚於人而德周於鄉
里有古君子之風烈人之感恩懷惠者亦敬信之歿時

無遐邇親疎皆垂涕走吊其生洪武癸酉十二月二十
二日卒正統乙丑六月六日壽五十有三娶查氏子男
三長鳳陽次鳳鸞次鳳章女一妙靜適榮亮孫男二尚
幼以其年某月某日葬某山之原銘曰

人侈其名我晦其榮幹盡充家斯智之明人豐其資我
弘其惠生物澤民斯仁之施智安乃命仁飾厥躬隱者
之節縉紳之風離離殍人晉回春意子子遺孤亦還生
聚恩榮嚴父慶延後嗣孰云天遠報答在是福善有常
胡壽之畺州里慕恩宗族懷德蒼山萃秀翠水流祥太
史勒銘以永弗忘

鎮國將軍都指揮同知陰公夫人陳氏合葬墓誌

銘

國家嚴武衛以寧邊境百年至治倚託保全是雖將帥
惡良音其成效亦以圖相之賢善其家政使無內顧之
慮而后得專心於職業也若昔鎮國將軍都指揮同知
鎮懷安陰公夫人陳氏是已公諱慶字世隆先世山東
濟寧人代有德善族蕃以鉅祖德當元季從

太祖高皇帝龍飛淮甸以功授濟寧左衛小旗父旺嗣
洪武辛酉調守山海衛陞總旗母王氏公生洪武丙辰
正月七日自幼岐嶷不凡開熟騎射為二親所鍾愛親
歿哀毀踰禮葬祭如儀尋嗣役調開平衛中左所百戶
從

太宗文皇帝起兵靖內難進克喜峯口等處陞副千戶
已卯破大同陞正千戶庚辰取夾河葉城平西水寨槐
家庄累功陞本衛指揮僉事進指揮同知辛巳克東河
東平汶上肥河等地遂取泗州克揚州六月平定京師
陞徐州衛指揮使明年為永樂元年又四年授世襲誥
命進階昭勇將軍贈祖父同階秩祖妣妣俱淑人庚寅
征迤北敗本雅失里於玄冥河破阿魯台於靜虜鎮陞
陝西行都司都指揮僉事又推恩贈及三代辛丑奉
勅鎮懷安衛授職凡二十九年累陞七級歷官六衛忠
君愛國始終一心平居雍容儒雅累無怒顏及臨陣對
敵威武奮發凜然不可犯治邊事猶嚴慎籌畫攻守允

稱

上意人以方古之名將焉在鎮二年卒實永樂二十年十一月十三日也配陳氏即夫人山姆衛故家裔生洪武丙辰六月八日聰慧柔婉善女紅克孝敬既歸陰氏婦道益勤事舅姑供祭祀必誠恪處長幼踈戚恩禮咸周貴而能謙富而能儉寬惠逮下家政整然公奉辭伐罪久居外而夫人恒綜理於內庶事成集公心用寧三沐恩封福履兼備其在懷安尤小心慎淑匡扶未逮所天喪堅持貞節撫教二子皆底成立尋以寡男俊嗣永平衛世襲指揮使俊亦屢樹戰功調鷹揚衛署事受昭勇將軍正統丙辰卒于官夫人念嫡孫至剛尚幼乃命

仲子傑補職以俟其成景泰庚午傑以功陞都指揮僉
事天順丁丑追錄舊勞陞都指揮同知授鎮國將軍又
明年奉勅鎮懷來永寧等處迎夫人就養於公署未幾
以病終時天順壬午正月二十八日也公壽四十有七
夫人壽八十有七子男二即俊傑女三保安衛指揮使
李敏金山衛指揮使劉惠保安衛百戶范恭其婿也孫
男一即至剛曾孫男一輔曾孫女一始公之歿已葬懷
安北山四十有一年及今夫人繼逝傑暨至剛遂協謀
以懷安邇地特祀惟艱乃啓公之窀穸用是年三月十一
日奉柩同歸合葬於京師阜成門外玉河鄉朱閭庄之
原屬翰林學士林公為狀命至剛乞予銘予嘉陰氏伯

仲聯芳而至剛又攻經史達古今侃侃有文武才畧誠
所謂將門有將者也烏得辭銘曰

惟國巨室厥有本源溯源探本父乾母坤厥父伊何
邦家貔虎乘時奮膺戰勝攻取誅胡滅虜萬里宣威遂
作長城分奠外圻厥母伊何內周于德隆尊惠卑咸和
䟽戚奠軒象服白髮熙春躋于上壽五福咸臻毓茲雙
麟並膺封爵爰及孫枝亦閎韜畧忠貞世篤績紀太常
匪家之本而國之光玉河建墳歸也同穴太史刻銘永
流恩澤

處士黃彥政墓誌銘

臨川黃興祖筮仕為陝西延安府經歷既葬其先處士

彥政君三年矣越天順庚辰冬改廣西慶遠衛將之任念處士墓未有銘大懼潛德湮沉無以傳遠乃屬族甥翰林編脩徐時庸具述事狀乞予銘以歸勒貞珉予讀支言集見草廬吳先生銘彥政君高叔祖上舍生亨叔之墓極稱其一家父子兄弟文物則黃之慶澤深長固為有本原者烏得辭按狀君諱政字彥正其先豫章脩江人宋太史庭堅之裔南渡時有諱顯翁者始徙臨川之珠山世再傳有仲明者領咸淳庚午鄉薦拜京尹即亨叔從兄也元季盜起仲明從子廉舉材擅勇智嘗發積粟以賑流離糾義兵以障侵侮一鄉賴之其弟廉晉即君之曾大父也大父思敬以詩賦名嘗做歐陽氏譜

其族品題珠山八景父叔謙早世伯允彥俊出贅金谿
大原特君方三歲母陳氏携之改適電白令崇仁吳公
未幾令物故而君亦稍長遂奉母歸凡祖父恒產僅存
十一往拜伯允請復祖業永樂庚子縣辟伯允為掾君
事之謹不忍違左右因家撫城伯允以疾辭歸折所有
產隨所取不以多寡肥瘠較後雖兼併亦不介意或勸
留其少為子孫計君曰子孫賢何待遺之苟不肖雖十
金之產不能保吾終不忍以土地傷骨肉也雖至再三
不聽人歎服其義宣德乙卯里有託偽印誣君者既坐
累人人危君曰天理又自見吾敢不順受邗甫三月而
釋衆謂君積善所感君嘗謂人曰吾生平無玷身心而

未沾寸祿蓋亦安命以俟後耳吾與祖素謹敏顯黃氏者其此子乎已而縣果辟與祖為掾從事大司寇九兩至京視之見其習法律輒戒曰此特為治之具苟恃此深文則不可通政使矣餘慶聞而嘉之及與祖入延安幕迎之就養僅三載而卒實天順戊寅正月五日也是年十二月十九日歸葬里之潭江天井堂先塋其生洪武甲戌某月某日壽六十五娶楊氏先二十年卒繼鄭氏子男一即興祖女二蔡堯琛連昂其婿也孫男女各二君賦性溫良貌不踰中人然言不妄發行不妄動醇朴而無機變忠信而無險陂食一盂衣一裘怡怡自得晚年享祿食亦不改嗚呼此可為識者道也銘曰

仁復母慈義敦本支樂善秉彝履險加夷有安其歸有
辭其垂一鄉之善百世之思

廣東雷州府推官劉中齋墓誌銘

公諱佑字廷佐姓劉氏中齋其別號也世為衡陽東湖
人高祖某曾祖仲祖漢良父潮彰皆潛晦善及鄉里妣
何氏懿德表于姻族公幼聰敏書讀三五過即成誦遇
事肯為知識過人年十二三務學甚勤苦凡經傳子史
已遍閱尤深於禮經既成童父嘉其志乃遣入邑庠補
弟子員孟親師友講學不倦事親孝何孺人嘗患癰醫
云頃人口吸之乾乃可治時盛夏瘡已腐穢公三吸之
愈既而潮彰久卧病醫求長江雙鯉各重十兩者資藥

食時冬寒貨于市弗獲公乃放舟入江一網得雙鯉各
重如數人咸異之兄弟六人公行三友于篤至待宗戚
媿睦賙貧卹患施予惟均處朋友誠敬雖後生小子未
嘗挾長慢之每語人曰立身以德為本文藝不過文此
而已德不脩何以文為嘗有挾幼男託言父子求寓者
公信之既而有懼色去數日不復至詢所由來乃盜也
公遂携幼男徧城郭訪其父母還之其人感泣祝天佑
公正統辛酉領鄉薦明年會試辭乙榜卒業太學遭父
母喪哀毀骨立日惟蔬食水飲桑祭循古禮不用浮屠
人或非之公曰地獄為小人設吾親則君子也為人子
安可以小人待其親耶服闋試政秋官景泰壬申拜庶

東雷州府推官先是雷陽官久曠吏汙而橫百度荒廢
公至首取利病尤急者十數事建革之吏駭而服民氣
始甦然推官職專刑辟公敏於聽斷一以公恕為心郡
有健訟者拘成案屢歲莫能決公言如是則有死矣乃
改辦舊案囚入情據大義斷之彼不待鞠服去大辟囚
三十人久繫公訊之多不合死律欲為求生道而郡長
貳爭執以為非公懇請曰今郡中多事文移雜沓率由
此况人命至重一人濫死且不可矧數十人乎此事某
自當之遂偕錄情辭援例上請得專罪首謀凡釋活二
十餘人衆囚遂相率禱雷廟設醮祝之曰願減未死之
年以增劉侯子孫之福郡濱海寇不時竊發公輒率民

兵往捕斬其渠魁餘黨悉平按行所部專務安民勸士
嘗築遂溪城以備倭寇新海康文廟以振士風奉檄捕
耳聾山獠獍弛其威武為榜諭之賊感泣謝罪迄今按
堵民愛戴如父母焉所治獄囚生者潔罔囚以適寒暑
死者具棺槨以掩屍骸其設心仁厚類如此天順庚辰
年五十三即以老病乞致政詔許之抵家杜門不出
附郭買田數頃督僮僕力耕以給衣食惟賓至即懽然
出牙觴詠自娛恒念不能上報每臨

聖壽及正旦冬至先期齋沐至日率子姓設香案北面
成禮而退以禮經授諸子其叔子吳補庠生領景泰癸
酉鄉薦天順丁丑舉進士甲科拜兵科給事中屢遣書

諭之拳拳以戒蚤發務忠勤全名節謹視聽令終始為
言昊遵承唯謹廉慎者稱致政甫三年歿中外聞者莫
不傷之其主永樂戊子九月七日歿天順壬午十二月
十八日享年五十五卜以某年某月某日葬某山之原
配蕭氏子男四長冕次晟次即昊次昂女三長適譚僑
次適鄧福次在室孫男二九章九田女二皆幼公訃既
聞昊乃衰經奉邑人禮科給事中王伯宣所述事狀乞
予銘予念與昊同進士榜而公實吾鄉先達尊也始予
初入官聞今右僉都御史余子敬言昔與公同偕計北
來過德州見婦人號哭欲投河死急問之云所生止一
子以貧故其父夜鬻諸寓館矣公惻然感動即探囊金

贖子還其母是公善慶夙成不待居官時始著身後有
子宜哉然吳職侍近例得滿一考賜封以為公榮而
公年不逮噫此吳之遺恨所以感歎於無窮也銘曰
炎德委柄宗南衡渾融元氣鍾精英公挺出何靈明
風雲感會遭時亨海康假節司祥刑屢評鬼錄回其生
外探島嶼艾蛟鯨海波靜帖煙塵清民心有願天則聽
畀之麟駒流德馨倦鶴早歸頤性情恩封鼎來朝露零
神游紫蓋高玄庭太史筆削垂鴻名

尚寶司少卿楊永齡墓誌銘

君諱壽字永齡姓楊氏號頤菴故少保禮部尚書武英
殿大學士特進光祿大夫左柱國贈太師謚文定謚菴

先生嫡長孫也系出漢太尉震之後先代家弘農元叔
世有諱文憲者始徙南郡樹產於石首之藕池因家焉
即君曾祖也以文定公貴高祖國禎暨文憲俱加贈同
文定公官階考暉贈承德郎尚寶司丞妣王氏封安人
君生洪熙乙巳十月十六日甫一歲失怙祖妣高夫人
暨王安人實鞠育之文定公念暉至孝克家而慶澤未
沾也竊君少長即携之抵京師加訓誨而君篤實穎悟
超出眾兒讀書過目即成誦接人緩急皆有禮甚為所
鍾愛每對賓客輒命之執事或試其文藝而君應酬中
節巖然老成文定公喜曰嗣清白以大吾楊氏其此孫
乎正統丙寅秋七月文定公卒于官

上遣使護其喪歸葬君隨從父方升扶柩以行哀戚踰制既襄事明年夏詣闕謝恩時

上方軫念文定公輔翼勞動見君來慰甚是歲閏四月十一日詔有司授公尚寶司丞年二十三矣且命

讀書翰林期在擴充材器克當大任而君進脩德業倍益於前景泰元年秋奉命管尚寶司事掌行符璽夙夜恭勤歲時舉行大禮捧寶御前尤加敬慎人於此益驗文定公世澤有傳是年滿一考書最得賜勅推恩先世明年王安人卒君還守制喪葬之禮備盡儀文又四年春服闋高夫人亦卒君伏闕請命復荷賜祭并遣官營葬事君馳傳守制久廬墓側人以孝稱天順四年春滿

九載陞今職君立朝十六年雖補門蔭實敦儒素溫良
謙謹始終一心其家居奉養庶祖母董氏衣服飲饌日
致豐潔婉容愉色惟恐少違世從諸弟皆相交愛而孝
與泰就學京邸凡師資等費君身先理之務俾成功孝
遂通籍中書舍人泰補國子生皆君力也家人僮僕有
挾勢轢人者必抵之法其服從謹畏者則厚其眷資鄉
人執役于京苟失所必傾囊賑之家無餘積人之受恩
感慕者無間遐邇方將荐歷通顯以博厥施而忽遭痿
風一臥三春竟致不祿時天順六年二月五日也享年
三十八奉遺命歸葬擇是年某月某日襄事祖塋之側
配張氏子男一顯宗女二皆幼君訃既聞方升哭之慟

乃自故鄉走十使以迎其柩奉百金以資其費且曰吾
將上慰我先大夫啓後之仁下明我賢從子光前之志
噫君可以安矣忝即方外子也乃奉國子助教黃成美
所著事狀求銘文予念與君同

朝交善六七年恒相期勉以事業而孰使銘君之墓哉

銘曰

倫彛叙秩惟天常忠貞世篤流馨芳偉哉尚書孫姓良
蜚聲振烈趨巖廊虞頌瑞玉朝明堂漢行符璽資承郎
惟君濟美承休光罔俾前烈專掄揚仁基愈厚靈源長
帝懷舊學何能忘嗟公中道成彫傷上從烈祖遊穹蒼
青山掩墓垂無疆

隴西縣學教諭文先生墓誌銘

大明隴西縣學教諭文先生世禎今承直郎南京戶部
廣東司主事時中之父也先生癸巳兩閱寒暑而墓未
有銘時中來京師大懼功德弗彰曠遠禮典於是奉先
生門人禮部精膳郎中永豐陳律所述事狀請予銘將
歸啓靈丘納焉時中在予榜中最賢而先生鄉達尊之
範模後學當致隆者烏得辭按狀先生諱麟字世禎姓
文氏其上世家廬陵宋丞相信國公以弟璧之子叔子
為嗣即其鼻祖也叔子之孫在元時徙家長沙之泚水
今為攸縣人曾大祖鳳亭大父繼宗父均壽世尚隱德
母曾氏先生洪武己卯正月五日自幼穎敏異常伯

仲六人長添驥次添驥次即先生次添俊次添仁次添
信俱嗜學而先生尤粹美能以亢宗為志鍾愛於親弱
冠遺補邑庠弟子員治伏氏經識其要旨為文簡而明
暢肆其餘力旁究諸經子史俱有得識者奇之居父喪
葵祭遵家禮宣德壬子領鄉薦正統丙辰試春官中乙
科授永豐縣學訓導永豐習俗尚文士知務學而先生
訓迪勤勵表儀端肅學政立焉於其諸生拳拳責望以
希賢希聖不崇小利務求遠致故親炙門牆而有成者
即中律發解鄉闈第一人與曾卓輩俱登進士第列職
郎署藩臬郡縣凡十餘人先生天性孝友以母氏家居
弗克親侍養乃揭愛日名公館之堂屬御史鮑隆記之

佐猶己子成童遣就鄉塾莫歸必課所業由是佐深加
淬礪名著士林既而登景泰辛未進士甲科奉使湖湘
得便道拜家慶君喜曰汝能致身科第吾願畢矣然居
官要以廉慎為本否則他無足取及佐拜主事復遣書
戒之曰刑者聖人不得已用之與其失之濫寧失之寬
其言已近於道佐由主事歷員外郎郎中君子謂其廉
慎平恕實君教所及非溢美云其生永樂乙酉二月十
日卒景泰丙子十一月十一日壽五十有四配陳氏宦
族女有賢行子男二長中次正女二長適鄭某次在室
孫男一韶以卒之年某月某日葬懷安縣太平里銅盤
山先塋銘曰

王氏之先沁出太原衍于江左既碩且蕃烏山之王由江左徙再遷于閩太宗伊始君起振之志克允宗養高泉石古道是崇肅家有規範俗有禮大義至仁鍾于從子從子祿食惟君所成民彝帝典光爾弟兄伐石琢辭爰厯報德太史銘之永世是式

戶部郎中陳易之墓誌銘

有明成化三年夏六月一日奉議大夫戶部山東司郎中陳君卒于官時君弟姪皆歸省弗在側友人江西道監察御史董國器吏科左給事中程道遠兵部主事劉時雍暨予數人者臨之相與哭盡哀乃共為小大斂飾殯具其孤嫠劉氏號慟絕復蘇匍匐叩地曰諸賢叔何

以送未亡人歸也於是道遠倡縉紳為哀輓國器狀其
生平大槩付予為墓銘時雍為治舟車以行謹按狀曰
君諱伯良字易之姓陳氏其先湘潭人元季世徙華容
遂家焉高祖萬三曾祖壽卿祖添佑皆晦迹清風雅操
猶在人耳父復初始以科弟顯訓導德州調元州君與
仲兄俊之日侍左右受庭訓俊之治書君治春秋各有
日程俊之領鄉薦訓導新息君獨侍後初教諭涑水已
已北虜入寇君晝則衛慈嚴避巖壑夜則負米粟餉之
備涉險阻二親獲免兵難景泰庚午君以寧謚無內顧
憂始囊書南還取科第一戰而捷明年會試禮部中乙
榜弗就仍來復初宦所益刻苦問學又六年為天順丁

丑乃登進士甲科拜戶部廣東司主事授承直郎分司
鄭村填各場芻粟中官暨總覓乾浚者厚賂以金皆峻
却之而誅其求利弗得火積芻者數人百年積弊一時
頓革出董租賦于德州適舊官賂敗君矯以廉勤庶務
簡肅大司徒年公雅器重焉三載考最授勅承德郎
復初時教諭內江乃辭職封如子官母嚴氏及妻劉氏
俱封安人尋陞山西司員外郎授誥褒獎進階奉訓大
夫加封父亦如之母妻皆宜人自是君之名益重縉紳
間凡朝廷有大賞賚大征歛必以屬君君亦秉公持
正充稱任使成化乙酉奉命擣師而蜀將士感悅陞山
東司郎中授奉議大夫以竣其歸明年事畢便道華容

拜二親于家方稱觴獻壽部檄適至君歎曰舍私恩非
孝子廢公義非忠臣遂奉檄逆歸視事居無幾忽遭風
疾且劇凡與閔忻戚者博求良醫診視彌月少差半年
疾復作一夕卒嗚呼惜哉公天性穎異自幼有志時用
嘗師事今山西叅議前僉都御史王用抑抗郡通判曾
彥理讀書不泥章句必求實得為文理勝弗攻麗辭事
親極孝在官俸祿悉分為養處兄弟極友愛待胥子一
如己生使蜀時適有詔生員納粟升太學公罄發餘
資俾二姪錦錫輸粟松州得為國子生與人交相尚以
道或有過則侃侃規正不事譎隨居官恪守貧素自朝
至夕孳為善有微恙則扶以供職忠敬以事上莊慈以

御下故上之為公卿次之為寮宋下逮胥徒僕隸咸得
其懽心有干以私者婉拒之不以浼已亦不以累人歿
之日朝士無親踈交口嘆息焉其生永樂壬寅十二月
十六日享年四十六配劉氏無子立俊之季子鈞為後
葬以某年某月某日墓在東山祖塋國器既叙狀君又
惜君之死有可悼者三賢而不壽仁而不育親老而不
待其信然哉予念昔庚午鄉闈國器發解君與道遠及
今貳守南康譙文美知濱州劉時起知平鄉雷宜之六
人者聯名而國器舉辛未進士丁丑予始偕君及道遠
舉進士今晨星落落不能恒如昔之聚晤矣死生離合
寧能已予之感耶銘曰

維積之豐流澤有芳維稟之粹問學有光嗟公傑出偉
時之良寵靈三錫恩顯具慶古稱材俊大用必揚孰云
廟器訖命中郎古稱仁厚胤嗣必昌孰云公子麟趾悉
傷公何恨哉無怍平生公所遺恨白髮在堂於戲至孝
歿也不忘青山拵墓旅襯歸藏太史刻銘示我故鄉

賓竹先生趙連璧墓誌銘

先生姓趙氏諱珏字連璧別號賓竹臨川竹溪人宋宗
室德芳之後南渡楚國公伯達始居群玉陂其七世孫
有諱孟珪者贅水陂饒氏愛舊市山川之勝居焉孟珪
生英英生雄雄生復初再自舊市徙竹溪即先生高祖
也曾祖主一祖恭丞考伯啓俱潛德弗耀母周氏以洪

武丁已十二月二十一日夜感竒夢生先生幼而岐嶷
長益聰慧二親鍾愛之命從雲嶠黃先生遊讀五經四
書諸史鑑日記萬言三五誦終身不忘雖祁寒盛暑不
輟講解至性命道德處弗洞見聖賢心弗措直以問學
思辨躬行而後已雲嶠曰子學勤勵若此他日非吾輩
所及呼賢者不名永樂初營北京先生代父兄充千夫
長解紆盤錯家獲保全既而養高林泉志不願仕累其
德善用表鄉人母百齡尚無恙先生順志色養晨昏定
省無少違及卒癸祭一遵古禮兄全璧嫂鄧氏俱年逾
八叅先生奉之如父母保之如嬰兒家事鉅細衣食寒
燠必資問焉四時美味不集不食弟完璧早喪婦張氏

守節不嫁惟一息在襁褓先生撫之尤盡恩意孝友之行著稱郡縣歲時鄉飲酒必禮請為大賓間詢政事閔風化者先生輒條陳之皆見錄用先生承先世富盛之餘雖義於用財然亦智於保己嘗有租賦長鄉之黠者也假先生白金百錢完其稅間以計誘致先生將奪其券先生覺之虛袖而往蒐券無所獲且為有司所罪用是搆虛詞訟于朝憲臺檄繫先生等百人于獄眾憐之為雪其枉竟以罪抵其人毛生客荆沔陷非辜將自經死先生捐百金力救之使生人皆仁之然不以為功凡鄉人貧乏衣服死無棺槨悉加賑賚其爭訟久不決者得先生一言即解去初康齋吳聘君慎交接先生中子

與為姒獨厚善焉每過先生輒留信宿與談古今論臨川近代人物先生曰取人以恕論道當嚴晏元獻深於稽古陸象山明於性理曾南豐王介甫文學俱妙絕百世惜介甫制法有偏吳草廬續理學命脉然支言集亦泛若合之則孔子所謂成人也聘君以為確論所著詩文成輒焚草人問之答曰文非道德雖傳弗遠草何足晉名其軒曰無逸堂曰遺安自記之其畧曰吾子孫有能崇德象賢志周公之志遵吾無逸而仕可也或潛居抱道行龐公之行遵吾遺安而隱亦可也否則時泰莫能興時否莫能默直與草木同腐豈吾遺胤哉天順辛巳夏有術者語先生曰公金體火炎初秋殆弗請可禳

之先生曰吾年踰中壽眼見七世人物生順死安襟
爽益是歲六月十九日夜大星墜室傍聲如裂帛室中
几席皆有聲先生沐浴端坐無疾而逝壽八十有五配
合南周氏子男三長巽行次利行次安行女三長適樟
溪龍希霖次適陳城朱景昌次適金谿車夢龍孫女四
曾孫男二匡祖宣祖曾孫女一擇以歿後四年甲申某
月某日葬下窆寺北妣周氏墓石壙虛右埃厥偶焉左
乃兄及嫂墓遵遺命也葬之年夢龍祖常州府推官振
采京師以予與同進士榜具狀先生行託銘之且叙錄
其鄉評曰先生孝鄰曾子弟比溫公肩似子產臞若草
廬言辭溫潤類明道資貌嚴毅肖伊川其盛世之天民

歟悖儒術闢異端剛直少容見人過輒規諫子弟有弗
迪于善必切責之改而後已平居雞鳴而起中夜方寢
耳目聰明手不釋卷不喜乘馬不嗜飲酒不服羅綺不
寶金玉蓋其天性如此云銘曰

維古逸民樂道盛時高尚其事為世表儀草廬故鄉流
風攸在嗟賓竹翁身迹克邁賓竹有道康齋所賢顯荷聘
徵彼乃獲專康齋入朝賓竹在野清風考槃孰能遺者
身雖隱矣名益有榮誰壽厥名太史有銘毋剪此樹毋
踐此域鍾靈毓祥子孫千億

義官楊方升墓誌銘

綉林龍蓋森列畫屏而環抱以大江之水神靈翕聚其

真氣毓而為英彥之材蕃而為詩禮之族化而為敦厚
仁讓之風至今時益盛且久吾於前少保禮部尚書兼
武英殿大學士贈特進光祿大夫左柱國贈太師謚文
定楊公叔子方升嘉其能世乃家而有光楚產也君為
人美儀觀長身玉立望之如翠竹碧梧近而即之雄辨
博洽英氣豪邁超出人表不可犯然意氣相得輒款洽
粹然和樂識者竒之幼時好讀書文定命從鄉先生侍
講劉汝弼遊講誦之聲夜分不息於伏氏經暨諸史皆
能了大義有司嘗勸其一試鄉闈君辭之退而歎曰使
某獲廁一名人豈不曰此有司陰厚乃父乎遂家居養
親恭為子職不復求仕文定益愛之嘗指謂人曰能亢

吾宗者此子也然文定亦弗居寵利懼為子孫累久之
以君母高夫人在故園命歸養以慰其思因留于家文
定生平清白雖位極台鼎而家虛囊嘗分俸賜之餘
糴穀建義倉於故園君時其出納歲一歛散獲濟者甚
衆因取其息以建室廬脩塋域供祭祀燕饗歲積月累
家遂豐饒正統丁卯文定卒于官

朝廷遣中官護其喪歸葬凡襄事一循古禮悉出君區
畫既而偕中官詣闕庭謝

恩故事三孤例得蔭一子為尚寶君讓長兄暉之子壽
人稱其義時石首人為鄉尹方伯守令歸者亦皆有賢
子弟繼述或崇行義或尚禮文君皆締為姻友且結會

為樂諸賢布素惟君景泰間援例助遣賜冠帶為
亦未嘗挾此為榮日惟談經史引壺觴嬉泉石勢位功
名置之度外文定有家訓數十條君列置左右朝夕省
覽治家嚴整而蒞下明肅諸子遵教惟以學文脩行為
業無他適強奴悍僕奉其權承其怒皆震懾趨事莫敢
抗平居樂多賢友有造門者輒飲之間摘一二經相與
論難人為所窘者即剖析明白所居濱大江見浮尸輒
取瘞之又作棺數百助貧不能舉喪者性不喜異端初
迓文定柩還至中道奉卮酒為中官壽中官問曰爾建
醮幾壇齋僧幾百人君荅曰今門庭弗潔淨不敢為待
桑畢乃供佛中官揮手笑曰爾儒家不信佛弗誑我觀

此可以知其平生大槩矣其卒也人人痛之予惟昔宣
德正統間大臣有美名者曰三楊然輿論以政事稱文
敏學問稱文真獨文定以德行稱二氏子孫多由蔭貴
獨文定家寡蔭子孫亦以此獲免重譴豈非德行為律
身正家之本而致然乎宋趙忠獻公為相不求恩澤文
定以之韓持國父任執政不就廷試方外庶幾焉是不
可使無傳於後也君名旦方升其字生永樂癸巳十月
十六日卒成化丁亥九月十二日春秋五十五配劉氏
繼余氏太常卿孟亨女弟再繼歐氏生一男曰泰貳室
陳氏生二男曰來曰本泰由國子生為中書舍人恪守
清白來為縣學生有志科第本居家孝友中書未仕時

屢空二弟實濟成之其葬以是年十二月二十八日墓
在高陵祖塋之東君先世見予所撰尚寶壽墓銘曾大
父文憲俱以文定貴贈少保禮部尚書兼武英殿大學
士行狀則山東按察司副使董國器所撰述而請銘者
中書也銘曰

德睦天親保祚有仁弗永厥年學克良貴榮身以義未
弘厥施吁嗟方升從祔先塋太史有銘

誥封太宜人魏氏墓誌銘

大明誥封太宜人魏氏前上林長官司吏目祁陽審君
嗣宗之配今刑部浙江司郎中良之母也初良擢正統
乙丑進士甲科拜行人例不獲推封先世暨受代陞刑

部雲南司員外郎滿一考書稱始獲賜誥贈嗣宗如子
之官階奉直大夫協正庶尹封魏氏為太宜人恩光煥
發孝慈丕顯榮莫加焉既而又進今官凡三被大臣薦
方異外補以便祿養一日忽心神驚動若有憂戚者良
訝曰此非吾母氏有患乎翼辰即先遣妻妾歸養而已
圖後行甫八日太宜人訃至良哀號幾絕乃著狀錄太
宜人生平大槩託予為墓銘按狀甯氏世為祁陽大家
太宜人故處士子隆之女生而聰慧容德著稱蚤失怙
恃其外祖武德衛千戶宋真為擇良配得嗣宗歸之為
繼室總理家政儉勤兼備增置恒產于先有光一日嗣
宗遘疾將絕太宜人籲天號哭剖股肉為糜以進有問

嗣宗乃甦言恍惚中如見故祖父母謂汝妻行孝令汝
再生人以為誠意所感云嗣宗官上林挈太宜人以行
見前官沒于任其子流落悉勸嗣宗資送以歸其鄉人
德嗣宗者皆以為太宜人善助也永樂丙申十二月二
十七日嗣宗卒于官太宜人携良等諸幼扶柩歸祁陽
既葬即縣買宅居之道長子玘為縣學生蚤卒又遺良
代太宜人愛良質敏好學傾產奩以教之良亦遵承唯
謹遂以禮經登進士觀政通政使司太宜人買舟北來
至安慶中流遇風舟不沒者膚寸家僮輿之登岸易舟
而返良聞驚愕因上疏歸省勸之就養京師太宜人苦
前險竟不得命臨行訓良曰爾當交友以和慶事以敬

竭力以報朝廷勿以我故受人之餽汝得清名我死足
矣良涕泣戒途服膺終身及授行人奉使取便得拜太
宜人者四未嘗不歡慰而別最後乃囑良曰汝此行歸
期未卜吾年命日促即有不諱汝置吾身何地良大驚
汗涕泣伏地不敢言固問之良曰我等為子安敢聞此
太宜人曰吾厭山谷幽深欲依城郭為墓何如良泣曰
謹如教既而又言吾從爾先人合窆以便後世祭掃何
如良又泣曰謹如教嗚呼孰知其臨別訓詞即為永訣
之語耶太宜人生洪武丙辰閏九月二十日卒天順甲
申六月二十日壽八十有九子男二即琬及良女二長
適鴻臚寺序班成均次適處士唐賢孫男一曰端習舉

子英擇以卒之年某月某日合葬馬江步區木塘之東岡從後命也銘曰

維寧暨魏南楚碩宗世締婚姻卓有古風嗟太宜人闔
範素習妥媿德門恪恭乃職肅其為禮裕其為仁貞純
茲憲恪于天人州幕之終諸孫實幼諄諄教言確確教
操二女子于歸男起奮庸天實報之高壽顯封化行此鄉
神棲此宅伐石鏤文永播休德

國子監助教黃成美先生墓誌銘

國家集天下英俊建辭雍而教之其良法在模楷萬邦
廣儲器用以措世雍熙也子童時已深切仰慕然自有
官來第見講握汲汲憂貧惟貨惟求化成子衿分布天

下夫然後流涕長太息歎貞女有關於姆教若變風非
專婦人罪矣就其間蘆介卓立于得二人焉曰石首黃
戎美洛陽關禹錫二人皆德學聞天下然禹錫謫而復
遷竟躋顯要成美終厭下僚無稱薦不能如彼同袍榮
耀也噫此固命數有攸繫抑豈蘆介非今之人所向歟
成美歿時長子用宣外仕次用宣歸省墓貧無以殮其
門人吏科左給事中程道遠助為之禮即此可驗其生
平矣既踰月用宣來因託道遠狀行實請墓銘按狀先
生名貴字成美別號金峯世為荆之石首人先業居江
北武侯鄉之槎潭曾祖應宗祖興祖皆齠髻以資產雄
于鄉元季兵燹父元裳昇孤而能立事母盡孝受業梅

隱鄭先生攻書計執禮行義遂南徙龍成湖墾田百畝
家焉元裳娶曹氏生五男子曰文曰行曰忠曰信曰貴
先生即貴也幼時質穎敏選補縣學生宣德己酉以春
秋領鄉薦兩試春官弗偶乃進拜少保楊文定公之門
授壁經盡刊枝葉之繁一歸本源之正粹如也正統丙
戌會試舉進士乙科授舒城教諭時舒城久乏科第學
舍鞠為蕪圃先生勸縣令肯構公署一新文廟及諸祀
器嚴條約以身先之剔除頑鈍登崇俊英未幾絃誦滿
城舉進士者彙征矣滿兩考丁內艱繼丁外艱傾囊擇
地襄二親事於黃山一行古禮暇時以經學誨鄉人子
弟多顯名科甲服闋調合肥教法一類舒城時滿九載

書稱陞國子學正遷助教颺歷中外凡三典文衡辛酉
福建聘景泰庚午山東聘丙子陝西以京官奏請所至
皆總閱五經躬禮法以檢律同考而文詞一祖經傳得
士為多其官太學破崖岸以處衆肅規矩以範士足跡
未嘗一履權門然自大司成而下諸僚家有為不法必
便便言之不少貸人忌而犯之亦不較諸生承檄禮部
來輒祝願曰得從先生游為幸其饋遺一無所取而教
誘惓惓焉諸生視先生一如已親既去必思慕復來必
省侍求彎弓反射者無也景泰庚午及成化乙酉
車駕兩幸辟雍凡兩賜襲衣燕于內朝助教滿考得援
例賜勅採節守分老而彌堅家法嚴而泰男攻經史女

攻織紵不使干他務所得俸祿有餘輒以濟鄉人貧者
不積羨餘故鄉人暨貴游子弟善者遵其教惡者化其
德可謂清脩篤行古君子矣其生永樂乙酉八月二十
日卒成化丙戌五月十七日壽六十二擇以明年某月
某日葬某山先塋配姚氏子男六人分五經教之長用
宣治書領庚午鄉薦授台州府同知次用宜治易領乙
酉鄉薦次用寧治春秋次用純治詩次用端治禮記寧
純端皆先卒次用洪側室子也女一人適縣學生齊必
奎孫男女四人皆幼銘曰

黃始陸終以國為氏江夏濬源實蕃宗嗣南郡有黃由
江夏遷先生挺出克振厥前躬行古道心醉六經斯文

衡鑑胃子準繩嗟今之人高明是畏先生故人匪趨其
勢差今之人學獨是震先生愛人普同其樂官雖滯矣
盛德愈亨流慶有光天鑒孔明我行四方波頽風靡不
見若人我懷曷已青山掩墓歸安厥靈誅行刻詩百世
有徵

勉齋劉先生墓誌銘

天順初予入官翰林熟聞學士劉文介公稱其族彥朋
樂暨厥亂勉齋先生脩德講學奕葉高尚有古逸民之
風文介既歿今侍講彭先生敷五經之一日偕肅亭訓
導徽典過予則曰此即文介所稱朋樂之孫勉齋之子
也吾於是益信吉多儒者家山林之下有如劉氏子孫

之皆賢可謂盛矣。踰三年是為成化元年。徽典忽衰。經
詣門奉敷五狀。拜予言不孝。先尊恃棄。乞一言以銘諸
幽。噫。予安得於知己者。辭按杖先生諱。實字功懋。勉齋
別號也。姓劉氏。先世繇金陵徙泰和之株林。宋仁宗朝
有諱世昌者。又徙吉水之夏朗。今居之。文獻足徵。蔚為
邑望。世昌七傳至維允。先曾大父也。大父叔祥。別號祥
雲。元季。季舉義。有保障。功父即朋樂。懷抱材德。屢為有司
薦辭。弗赴。母曾氏有賢行。生三男子。伯功。崇。仲功。成。次
即先生。邈先生而上。凡四葉。弗仕。其積深且長矣。先生
質性重厚。警敏。幼有巨人志。族先達。育良暨貢士。振民
子尚皆儒。碩也。育良教以聯對。應聲而就。振民授以登

經探索弗懈而卒業于子尚粹然有成由是朋樂喜諸
子之好學善繼也歲時每偕宗長退菴具酒餼于祠堂
下集子弟課試以激勸之而先生恒存上階比壯期抱
所蘊決科第無何伯兄游府學歿仲兄繼之領永樂庠
子鄉薦出仕先生嘆曰二親在堂終養之責舍我其誰
遂絕意進取既而二親皆高壽考終葬祭如禮爰構堂
于朋樂所居之東扁曰勉齋紹家學也前監察御史曾
令德有記先生學問有餘既淑諸已又推以教宗族那
黨之俊秀長於講說義理凡微辭奧旨淺譬近喻入聽
之悅悟其弟子出門下多登顯宦為文簡暢典實尤精
於尺牘詩選歌賦從容雅澹協於音律而後止學者稱

為勉齋先生而先生亦以此自道也生平交朋舊處親
戚讌讓歡洽曲盡禮意兢兢焉惟恐夫人人亦無不敬
信之內外有不平來貨得一二言即解晚年充好孟子
一樂因頷其熾息之樓曰一樂繪圖自娛前禮部侍郎
錢文肅公有贊學者再稱為一樂先生徽與承家訓舉
明經中式訓導河間之肅寧文介贈言期勉之先生遺
書教之曰仕官在寡慾懲忿立師道勵士檢庶名節有
稱教化可行祿秩可保吾所願抑無負文介之意苟以
有命自畫非乃所知也人以為名言天順庚辰先生偕
厭配俱壽七十微典因廢官守乃扁朝之縉紳為詩文
寓歸拜慶先生得之喜甚然其時已遭疾微典尋遣

妻子歸養明年冬竟不起先是遺命子孫孝弟勤儉又命製深衣幅巾以歛疾革取陰陽書閱之曰吾於此日逝矣雞鳴令諸孫扶坐有頃卒天順甲申某月某日也距其生洪武辛未六月十七日壽七十四配張氏婦道母儀模範鄉族子男七長即徽典次徽容徽儀徽明徽和徽靖徽彰俱知學女二極源張丕哲桃林蕭世文其婿也孫男十七瑤環瑜璫珙球珥珣珵珠玖瓊理玖珩珪孫女七曾孫男二擇以某年某月某日葬文昌鄉福岡之原嗟夫人惟莫知所以生而後不得所以死先生孝弟原乎天性文學祖於家傳乃恬退自甘豈非知所以生乎其死也蹈中履正安安然與造化同游畧無

少累其賢矣哉雖委命自信未即顯庸然德著于家義表于鄉教導之益霑於四方與後世厥施亦溥矣銘曰
劉宅建鄴漢分支冰越江以西慶源光大仁山鍾秀字
水郁文詩書科第孰與並蕃者儒在鄉明師在塾吁嗟
先生斯文攸屬慶源遠行德趾厚培凡爾子孫善述勉
齋靈丘毋踐宰樹母削凡爾里閭仰懷一樂

樂耘劉處士墓誌銘

皇明親九族天下化之姑蘇士大夫自古惇睦族姓吾
見前少詹事劉文恭公家世以孝謹稱縉紳法焉文恭
有允鏞性純孝蚤失怙聞烏啼輒泣因號聽烏配頸氏
懿德宜家文恭事聽烏夫婦極弟順聽烏之子洪字彥

弘事文恭暨淑人陸氏亦極孝誠彥洪幼岐嶷不凡鍾
愛二親性警悟篤實游鄉塾彊記好問師友以遠大期
之文恭為中書舍人寓京師彥弘弱冠以聽烏命來供
侍適叔母叔人疾亟諸從弟今大理寺正約之輩俱幼
彥弘親侍湯藥經旬弗忘淑人卒乃持杖服衰經贊成
小大歛朝夕哭臨盡哀無異所至在文恭膝下數年候
出入奉起居執庖爨文恭深器重之有詩稱許暨文恭
累陞祭酒入為少詹事彥弘亦成立乃命之歸故鄉紀
綱家政彥弘經畫有條因舊廬僻隘擇仁里搆屋數十
楹輪奐宏敞樂生勤事遂以富甲于鄉家居奉二親溫
清定省寒暑無間旨甘輕煖恒備未嘗敢私利有過親

意弗悅輒自扶杖拜伏中庭笑請筮親亦笑而釋之居
喪哀毀垂絕盡送終禮置墓田祭器脩行祀事善處鄰
族尤淳同氣遇急難必救艱險弗避遇困乏必賙傾囊
弗吝家素業銅因懼斷銅聲聒其鄰之乳婦且驚其子
也遽命輟工有舉巨鍾昏夜扣門求售者彥弘知其盜
懇喻以廉耻文義且遺錢二緡其人感泣去以鍾置通
衢卒改從善有傭竊錢家人獲之以告彥弘曰彼或他
處所得汝何必其為吾家物邪命反之故處置弗問由
是鄉族稱為寬厚長者咸欽愛之晚益曠達不羈置負
郭田率僮耕耘其上策杖往來怡然自適或問之彥弘
曰時方逐末浮靡者多我樂於耘欲遺子孫以安而已

相知者因稱為樂耘處士彥弘亦以自號焉文恭壽亦謝世彥弘嗣襲遺韻久而益隆友于約之輩如一手足信哉故家良子弟其孝謹有自來而芳華可壽於無窮也成化己丑閏二月二十四日彥弘以疾卒于家邇其生永樂癸巳三月二十四日享年五十有七訃聞鄉之老稚無不流涕配何氏有淑德子男四長杰次果次奈次采女二素真適張漢素璠適徐景以卒之年某月某日葬武丘鄉先塋杰謂予偕約之同進士榜也奉大理評事王進所述事狀來請銘狀稱處士生平剛介特立不憑勢以自肆不恃產以自驕雅好賓朋坐席常滿延師教子駿致有成閒居讀經史見忠良必歎羨景慕遇

茲回則切齒怒詈其好惡得正天性然也斯尤世祿家
所難者予固樂道之銘曰

猗劉之先世官汴宋統領齊安南遷扈從始家達康五
世其昌順之毓秀擢貢平江徙宅長洲奠其疆理公族
振振率米胥宇季元雲擾元善挺生保障吳鄉澤遐以
闕德讓繼之寔曾大父豐沛明倫繩其祖武大父曰敬
父號聽烏聽烏之弟拜命中書中書推恩既榮其考則
反其兄克昌厥後教本家庭化洽辟雍樂耘有道茂振
厥宗貞和內腴芳華外暢恪慎孝恭適興仁讓流風餘
韻曠世斯存玉堂誅行以勗同仁

徽州府通判宋懋德墓誌銘

君諱敏字懋德姓宋氏先世濟南陽信人永樂間有諱
綸者拜江夏縣丞君父也綸居官多善政民乞留之不
報陞知湘陰縣十有三年政如江夏民又乞留為長沙
守當道者沮之不報宣德間致其事因寓湘陰子孫今
為湘陰人綸娶某氏君母也君幼侍父湘鄂間授春秋
家學精通雋湖廣壬子鄉闈第十名有司鑿其文二篇
為後學式正統丙申會試禮部中乙科以親老不獲辭
拜道州訓導至則迎父母于官築堂居之堂下有池自
取供鱸因名怡親堂未幾父卒君奉柩還葬湘陰居喪
哀毀骨立凡衣衾棺槨墳墓一用文公家禮不作佛事
既禫母卒治禮如前仍合葬焉服闋調瀏陽縣訓導考

績吏部景泰壬申簡為翰林院孔目滿考書稱得賜
勅褒天順己卯內閣大臣薦陞徽州府通判君在道
州時教人有法不擇其類貧生有贄則歸之今知桂林
府何永宜知崇慶州周尚文知宛平縣周博知南昌縣
潘璿皆其入室弟子也在瀏陽教如道川在翰林七年
夙夜勤慎院長而下咸禮貌之嘗預脩大明一統志為
催纂官書成賜白金文綺天順丁丑廷試進士為彌封
官賜宴禮部恩寵有加在徽五年身無違行處僚屬直
而溫謙而諒用刑無忿心催科無巧術每見同官法太
猛輒慘然不樂歸謂諸子曰民吾赤子也彼不恤民如
子孫何一日守丞以事出君代握郡章民有訟分產者

夜遺金幣滿案君叱出明旦據法剖斷多寡甚均竟亦
不發其過以是民愛戴如父母每夜飲輒立諸子庭下
戒之曰吾父在官未嘗徇文徇利而不克顯揚古云位
不稱德者有後今我幸至是爾子孫亦頗成立皆吾父
之報也吾父德行多我效其一二亦足守官無失爾等
不可不勉其居官皆類此君性坦夷寬厚與人交犯而
不較訓子孫無疾言遽色御童僕有恩平居衣服飲食
皆從澹泊不尚靡麗取適身口而已俸祿有餘輒分宗
族嘗自微來遇從子岡道死即斂其骸遣人歸瘞從子
嘗自湘陰來微問候君訊知其壯未有室惻然流涕即
檢囊篋楮幣并取子婦簪珥與之俾娶于家其治家皆

類此始予入官翰林朝廷寘旣諸老院庭空虛君時獨
賓院幕予鄉里惟君一人而已朝夕相與叙宦情酬人
亭友益良厚君因命仲子凱應懷材抱德科今丞仙居
叔子端從予授伏氏經尋領山東己卯鄉薦今需次吏
部君來京師間指端謂予曰諸子中惟此子好學幸賴
師訓有成後尤吾宗其在此乎歲甲申聞君休致就養
仙居既又聞君已還湘陰予方期過長沙覽衡嶽與君
尊酒論舊夫孰知今乃銘君墓邪君生永樂乙酉五月
十日卒成化丁亥十月十五日壽六十有三娶夏氏戶
部尚書忠靖公從女子男六長巖次即凱次嶽次即端
次峯次山女二長適汪鑑知餘杭縣叔昂子夫亡不嫁

次適刑部郎中王佐為繼室封宜人先卒孫男三孫女
一皆幼端聞訃將歸湘陰擇以某年某月某日塋君于
某山之原乃奉狀來請銘銘曰

宋以國氏世家于魯有別大宗始遷于楚治縣教人代
傳有譜惟孝惟忠繩其祖武內幕詞林鵷鸞造羽帝曰
斯文爾其纂組外判邦畿流行膏雨民曰我公今之慈
父四時功成奉身退處秩秩故園聿來胥宇厥慶斯延
厥施斯溥曷不百年受天之祐名垂簡編塊寧厚土彤
慈載銘華于千古

廣西按察司副使劉公墓誌銘

尚書兵部職方郎中劉君大夏既得其父廣西按察司

副使松崑老人之訃乃襄經為佐哭盡哀奉翰林侍講
李君賓之所述事狀拜予請為銘於殿憲副公予兄濟
外舅越予小子考翼素厚者也先大夫嘗言爾兄弟惟
學憲副公終身無過今亡矣夫予亦哭盡哀於是序而
銘之公諱仁宅字廣居松崑別號也其先東平州人宋
南渡有諱寶者從岳飛立功湘鄂飛死遂隱華容之東
山族遠荐鉅大父必弘積學種德義聚本宗父行簡贈
監察御史惇倫秉禮懋弘慶澤維時劉氏合食凡三百
餘人妣周氏贈孺人公生八歲日誦數百言十五能屬
文補縣學生永樂庚子領鄉薦卒業南監正統丙辰拜
知江西瑞昌縣時瑞昌久乏人求牧吏侵漁而民適遯

殆不可治公下車首陳三疏蠲赤湖六年實虧虛報之
國課二萬緡免沿江舊欠蘆柴十餘萬束完細民稅糧
之費於大家者數千石立網陳紀黜姦吏進善良抑橫
民振微弱禁屯軍毋侵擾土著各守分疆如是者一年
民困遂甦政教可興始瑞昌民不知織公督其植桑麻
造布帛暇則巡歷鄉村省民播種封植之法召老長課
之由是衣食以備又脩古聖賢格言勸戒之崇脩學校
士習丕變有預薦書者瑞昌遂大治矣九江邏卒索路
於深山野入聚居者不可得則相與格鬪傷避卒膚懇
民叛有司且舉兵先檄公往公單騎至山民爭出迎曰
劉知縣來矣拜且泣告之故公撫慰之即麾兵退且報

藩臬民免血刃者二十餘家嘗歸自京師適歲大旱道
門不入禱于神一雨三日潤及鄰境人皆以為至誠所
感辛酉述職有詔選知縣除御史得三十二員有司再
覆存十二員公握浙江道監察御史未幾丁母憂去廬
墓三年服闋調南京四川道奉勅捕盜南玉辰寧已已
詔大臣舉方面官十四員專領邊防公以左都御史陳
公為擢廣西按察司副使乘傳之官時盜起桂嶺南柳
慶路梗無敢行者公曰此某之職義當先往所至衛冒
毒瘴不避險阻撫順誅逆陳禍福而開諭之遠近欣服
既而藩閩兵繼至竇黨悉平景泰壬申竇酋都指揮守
潯州黃竑殺其嫡兄思明知府閩闔門七百口謀以其

子知思明府謬稱盜殺公暨叅政曾公往治之居月餘
庶得其實竑懼使人私二公于馬平驛奉千金為壽且
約盡輸其藏而父子各擁萬兵于外以相挾公陽許諾
竑信不疑乃留曾公于潯為約而去至南寧竑二子來
逐公伏甲士縛之曾公亦誘執竑于潯以歸論死竑窮
蹙遂創姦謀斬脫

朝廷特命釋之且退都督竑既得之使人摭摭他事陷
公公歎曰事勢如此不夫禍將詔之遂委政而歸

其廟復辟竑既死家屬論如律有勸公出者不應山居
二十有三年足跡不一至城府日訓子姓習詩禮課僮
僕治田園成化戊子以子大夏貴援例補授舊任誥且

進一階為中議大夫贊成尹廣而按察司副使辛卯淳
祭掃歸得拜公於庭受教戒庚寅癸巳大旻亦以奉使
又省視兩歸家慶有光焉及予還朝則聞公日衰矣丙
申五月二十二日以疾終正寢壽八十一配嚴氏封
恭人有賢行子男三長大中義官次即大夏以鄉薦第
一人舉進士甲科為翰林庶吉士授職方主事歷車駕
職方郎中次大奇縣學生女二長即適予允濟次適舉
人黎民政孫男五祖生祖震祖巽祖謙祖頤孫女三長
適生員王寅之餘在室大中以某年某月某日葬公于
某山之原予聞公昔述職時約故人為令者謁先達揚
文定公其人輒先私覲享禮有金器綵帛而文定弗悅

也數日其人來言公胡不拜揚先生昨已問及公驚怪其爽約且訊所贖曰土儀耳公他日具茗蜜細葛一二事奉文定見之大喜且言吾官二品今十年尚之用金器昨某乃以見贖此物何從得哉蓋其人翼文定薦之為御史耳居頃之命下公獨在選其人弗預焉既為御史文定又嘗造其臥內見服用簡朴甚加稱賞公去瑞昌二十年大夏過九江父老百餘迎謁曰不圖今日復覩我公之子因詳說舊恩且歷訪動履容貌今何以皆泣下沾襟於此可見公德之誠上感相國之深知下格遺民之遠慕人所難也抑予又嘆故鄉多京宦而家慶全者亦甚少昔毛仲銘年七十見其子彥脩為主事陳

復初年六十五見其子易之為郎中董文玉年七十見其子國承為御史然皆未踰八十且身或晦命或鰥此外若少卿鄧公叅政李公主事嚴公輩則僅皆母在耳而予之不幸尤酷獨公壽八十餘既貴而歸復進一階親見其子官五品而又厥配恭人亦壽八十偕老康寧家慶全五福備矣若此者豈持故鄉不多見雖天下亦豈多見哉銘曰

劉世周邗有家于魯宋基南移肇遷于楚慶流雲仍以文易武義聚百年恢弘乃祖惟公拆秀科第縉紳仁宣一邑親活萬民陟明褒德入拜憲臣北清邦興南蕩穢塵化稷嶺南蠻囂于越

帝曰卿表界爾旌節衣繡持斧往平其慝天威誕敷臣
職斯竭保身而歸既明且哲山林日永封誥重光天寶
佑善弥久愈彰魄寧厚土神陟昊蒼澤衍後昆奕世無
疆

南京翰林院侍講一清陳先生墓誌銘

自古賢才之生雖繇於天純佑命使國多君子要亦家
世之隆植本固而發源深靈秀英華鍾於後嗣則聰明
俊傑之士奕葉挺生為時奮庸也然而用有顯晦年有
信短者斯繫乎命之否泰時之通塞使然天雖有意於
斯人而篤生之其力不可為雖為之且無地亦莫如之
何也已矣惟天純佑我

皇明篤生今翰林侍講一清先生吳興陳公其淵源之
學溫醇之行通敏有為之才貞固有恒之守高明廣遠
之器與識實皆原於天眷而本於家慶也然官不踰六
品年不滿下壽如是終焉則用之弗盡其能非人力所
能為矣可勝歎哉公諱秉中字宗堯姓陳氏一清號也
世為湖州烏程人前處士子壽之曾孫大理丞授之孫
賜勅贈翰林編脩江西理問寔之長子母姚氏初寺丞
公佐廷尉司大下平於秋官部都憲臺之獄明啓刑書
胥占夙夜詳審務使適中弗當弗允也每會官廷讞主
卿意有所殉必執法抗言為囚求生道衆怒愈盛而公
辯愈明用是多所平反及理問公繼之亦惟公道之是

行罔敢私情之少肆其薄閩縣奉藩臬必循禮及陞江西斷刑獄務盡心未嘗削下阿上焉兩葉司刑和氣致祥積善餘慶子孫食報是故天佑厥家生侍講公也公幼穎悟理問公最鍾愛六歲即教讀書既長命為縣學生居常細務必律以法度使超出流俗而公性至孝奉親備歷諸難理問公夙嬰風濕湯藥必親嘗調而後進用其餘力讀書學文侍理問公於江西每旦必先擲盥候裝嚴奉湯藥莫歸則率其弟呈所肄業奉歡承顏惟恐弗周理問公嘗曰吾先清氣可掬他日其官翰林乎吾死瞑目矣景泰庚午公歸侍浙鄉既領薦適理問公卒于官柩還公奔迎歸葬寢苫枕塊自聞訃至禫祭動

合家禮無少違服闋試春官弗利卒業胄子天順丁丑
舉進士第一甲第三名授翰林院編脩時鄉人皆稱慶
而公獨感傷每夜輒以祿不逮父封未及母為念明年
春上

皇太后徽號推恩廷臣理問公遂獲 賜勅贈以子官
階承德郎母姚氏封太孺人是歲命翰林纂脩大明一
統志公考據精詳紀載為多庚辰滿一考書稱始授已
及配霍氏勅己卯志成賜楮幣公因上疏歸省欲請太
孺人就祿京邸弗果乃留長女侍養而還甲申

今上即位明年紀元成化纂脩

英廟實錄丙戌廷試為執事官賜楮幣戊子實錄成時

公已滿三考并論纂脩功進二階陞侍講賜白金楮幣
綵段有加公既陞官念母不置適南京翰林院掌印官
闕吏部選於衆以公聞

詔從之公喜曰如所願矣遂迎太孺人就養南京舊都
事簡公益大肆力於學制作應酬名動公卿時例北都
仕者其奉祿皆給南京而翰林米多腐衆患之公為釐
正夙弊揀儲白粳凡四五年間翰林之祿人人得濡實
惠皆公力也公性喜客每大賓北來輒投壺雜歌相與
盡歡辛卯夏予歸省往訪焉得外堂拜太孺人延款一
月餘生平篤親親之誼有姑早寡守節三紀無玷理問
公以公第繼嗣遺命表揚其行公請于有司得旌表門

間兄弟怡怡事雖甚處於理惟委曲開導童僕四廬器
物聽其擇取弗與較歷官二十年俸資悉分給九弟宗
族之貧者姊一適邑士沈英英卒貧無以殮公為區畫
襄事且構屋居其姊并配成二養子使奉蒸嘗公所生
惟一子遠教以春秋手錄主意授之而於忠孝之道懇
懇言之不釋遠亦克家有成立焉公之學嘗經大學士
彭公指授為文務以理勝而詩歌之作冲淡温厚肖其
為人雖春秋專門而他經亦博覽嘗為予言人心之公
與天地之公為一學春秋者不可泥於傳惟靜而求之
以已心合天地不失人倫之正則聖人之意具在此活
法也予嘗以為確論况使得膺大用立朝廷之上行其

所學於天下則聖人內夏外夷尊王黜伯親賢去邪之道必致諸用於斯世豈無補助而時與命何其弗偶哉壬辰十月太孺人卒于官既奉柩歸塋服闋將北行而公卒矣其生永樂壬寅六月十日卒成化乙未四月三十日享年五十有四配即霍孺人子男一即遠女二長適郡人吳瓊次適縣學生嚴績遠擇以甲午年某月某日塋公于某山之麓乃自述父行來請銘予念昔

英廟復正大統初萬化一新群賢彙進廷試讀卷之日上退朝即升文華殿勅中官賜珍果勗至公速莫訖事乃還維時拜相封侯用人圖治之典已備行而人臣上表酬恩之禮則未舉也其御正朝上表酬恩實予進

士甲三人始聖澤汪洋永報渴涯而昇湖龍逝攀尋無
及公又溘先朝露予偕今侍講徐公抱弓劍以長號悲
故舊之零落其哭之慟宜哉乃拭淚而為之銘銘曰
陳始穎川吳興分裔世監祥刑導迎善氣惟公挺秀襲
慶降祥鑿坡綸閣炳其休光志紀坤儀史書聖績惟忠
惟貞服勞王室南司翰林握彼院章高文傑作聲振四
方夸克酬親義貞諧族胡不百年身其豐祿惟昔三人
簡自帝衷落落晨星公忽永終嗟雲從龍龍飛遠舉雲
亦還山歛其華羨青山起墳澤流胤嗣表德琢詞庸告
來世

都察院左僉都御史張公墓誌銘

國家肅憲紀以贊成治化百年熙皞四方無虞實維都
堂得人澄源端本文教內揆武衛外揚而二三貞明之
佐從而表率裁正俾歸于中乃克然也若今都察院左
僉都御史張公是其一己公諱綱字大振先世家京畿
之密雲洪武初徙濟南愛長清仁俗因占籍焉曾祖伯
亮祖仲文考謹仲文以謹貴贈徵仕郎刑科給事中謹
永樂間領鄉薦授山西應州學正遷刑科給事中陞知
貴州思南府母楊氏封孺人公生而岐嶷資性穎敏不
凡稍長即知人倫大義父愛而器之年十五失怙卓然
自立以繼述為務讀書勤勵事母孝事兄順鄉人目為
賢子弟焉尋補縣學生以易領景泰庚午鄉薦鏤其文

歲時弟姪輩往來官所必罄俸祿餘資歸以措旨甘餽
饑荒囊無餘財而心益安至於處僚寀以謙接賓客以
敬待僕隸以惠嘉言善行人至今稱譽之滿九載課最
陞陝西西鄉縣教諭凡歷四載餘其禮法一如在永豐
時丁內艱服闋調隴西縣時則景泰丙子歲也明年改
元天順秋九月三日遘疾卒于官時中適已登進士第
遂奔走隴西扶襯束歸卜以次年己卯秋九月己酉葬
縣治北五里牌之原壽五十有九配劉氏有淑德善內
相子男六人長章次宣次宜宜即時中次庸次永次晉
女三人長適張遠次適庠生陳廷璽次適游貴皆士族
孫男五人孫女三人先有家訓一編遺諸子律暨時中

等既貴尤汲汲以清慎勤為勉貪苛急為戒皆底成立
所謂身教者從也壽考令終不亦宜哉銘曰

維學之充厥德乃崇維教之行厥化乃弘東楚西秦沃
于時雨有青者衿並登天府嗟天與善曷不百年慶澤
之流在爾後賢恩封罪未九原不作太史刻銘未昭冥
漠

處士王敷若墓誌銘

閩處士王君敷若今刑部山西司郎中佐從父也初佐
父立早卒佐年甫十歲敷若念其孤教育成就致有今
日恩義篤焉及今敷若卒佐制服哭之倍於禮然於法
不得歸塋葬事乃援祭掃例以請詔從之於是奉監察

御史陳文耀所述事狀來求墓銘予重敷若有楊牖龍
文之識而佐之心亦無異王基之於叔父子喬也事闕
名教安得辭按狀君諱宣字敷若別號介菴族行第四
十六其先義烏人叔宋時有諱達者始徙閩居籌岐沿
達而下凡九世有諱益祥偕弟義祺同舉進士益祥歷
官朝請大夫江東提刑致政歸復自籌岐徙郡治衣錦
坊居焉于後宦學世顯至諱英者始隱不出即君曾祖
也祖潛益高尚生二子長寢入

國朝歷官翰林脩撰次閩守舊業實君之父云君生甫
歲而孤母陳氏守節自誓育君子成年十九母遺疾君
躬侍湯藥頃刻不少離夜則稽顙北辰求以身代母歿

日夜號哭不絕聲聞者孝之事尤立敬恭不惰事必請而後行家庭和整人無異志宗黨貧不克自立者為之構室廬助錢穀使獲生道力不任婚葬者則出已財舉之惟恐弗及人賴成立者甚多嘗有外戚家海運覆舟有司責其償以千緡計被繫累月不能足君為傾囊足之羊度魁梧性嚴介無諂人有過輒面斥之至於可善譽道不絕口氣義振鄉里其或徇私意闕訟者寧自相協比惟恐見短於君也蚤年與立同攻舉子業既而得足疾嘆曰吾不堪用世矣遂棄去縱覽子史傳記樂吟詠習行草書納交賢士大夫闢後圃雜蒔花竹為游所日與之笑詠其間聲利澹如治家教子嚴而有方其視

魏世甲戊舉進士甲科拜廣西道監察御史時有羅理者挾貴勢爭襲兄琪指揮獄久不決公據法力主琪襲貴勢斂手名遂著聞寧藩有訟命公勘治公惟明克允而彼固稱屈乃申命大臣覆覈悉如公言丁內艱復職湖廣道巡按湖廣先是獄多滯且枉公首急辯理察見秋毫嘗臨市曹論決活枉者六人於乃下禁民停喪擇地以論財結婚民德歸厚天順壬午滿考書稱勅褒賚文林郎考進階中憲大夫妣贈恭人甲申巡按京畿開釋死囚王恕等數人之誣辯明惡犬傷人抵命之獄民立生祠奉祀擬稱包老嘗連言各郡倉廩虛之宜預積備荒

詔允之後遇凶年其利甚博丙戌陞江西按察司副使
寬明仁恕痛懲吉安橫民之擾盡革浮梁窳廠之弊民
呼為一路青天庚寅陞湖廣按察使下車盡決冤滯圉
園空虚正己正人悉除三司設商戶低價市物之患癸
巳陞今職管院事尋命整飭邊備兼巡撫京畿奏請增
置勸農官督脩沿邊城堡設欄閔巨石採頭木木柵武
衛嚴密虜不敢犯者數年丙申滿考賜誥勅進階中憲
大夫考贈如子官進階中議大夫贊治尹妣仍加贈妻
封恭人丙申三月感風疾痿痺上章養病京邸踰年弗
痊遂求致事抵家半載卒其生永樂辛丑三月二十三
日卒成化戊戌五月二十日享年五十有八卒時有司

馳疏以聞

上深悼惜詔禮部遣官諭祭卹其家妻李氏今僉都御
史廷張女兄婦道母儀有光闕闕子男六璜璣璣璣
璣璣領茂子鄉薦璣為縣學生孫男三皆幼璜兄弟卜
以卒之年某月某日葬公于西門山祖塋乃奉送張所
送事狀來請銘廷張言公易簣特懇以行狀請詞極悽
惋而予楚人已嘗親目公政蹟茲又獲侍同朝知公深
望公遠而惜公年不配德庸序其生平大槩如此若公
和易近情之仁剛廉執法之義讜言正色因時制宜可
稱者尚多不止此也銘曰

人皆有生嗟公之生尊養及親人孰無死哀公之死勤

勞國事文德內舉武功外擡公才可濟而數弗昌上納
讜誠下宣仁愛公德可弘而命弗遠命莫之致名焉可
埋香薰史冊譽重栢臺築築小民植廟脩祀而我楚邦
甘棠蔽芾公魄歸土公神在天凡所經歷精爽凜然右
稱仁人其後必顯公活人多餘慶方遠西門封域生榮
死哀誄行琢辭肅告後來

都察院左僉都御史李公墓誌銘

惟今僉都御史即古侍御史紀綱振肅世道有闕故張
綱蹇輪漢治霜烈唐介抗疏宋室風清良繇本源之地
既端且澄則其末流自爾清正也我

國家百年雍熙允惟風紀是託暨天順成化奉太微炳

執法之躔而天道正都臺振邦直之威而人道寧顧瞻
前脩儀範倍勁是雖鈞樞眷注專倚上輔而僚佐之賢
替襄宣布若左僉都御史李公其功業亦豈少哉公諱
綱字廷張其先晉陽靈石人元季曾祖璪徙濟南之長
清家焉祖德淵奕葉潛晦考琮領宣德丙午鄉薦授判
朔州以公貴封監察御史妣房氏封孺人公生而穎悟
日記數千言天性孝友鍾愛二親總角時隨父北來驅
驟車下通州峻阪偶墜仆車前雙輪夾身過無恙人已
知其不凡矣補縣學生以興詩魁景泰癸酉鄉薦天順
丁丑舉進士甲科拜山西道監察御史時

英廟光復大寶勵精圖治公正色敢言屢陳封疏建革

時政之利病激揚縉紳之臧否多見允奉命巡按南
畿舉廉能黜貪縱賑饑荒罷不急之務十餘事釋冤囚
十餘輩有婦人訴武弁子逼淫已誣服將決公廉知婦
本私通因貧妄訴自掩乃逮男女會訊曰汝等有私誓
乎武弁子言嘗同灸手足大指為誓索視其瘢相對宛
然婦人遂服因得減等論既還巡按浙江浙吏臧尤狼
籍而富強吞貧弱習以為常公至抑富揚貧鋤強植弱
捕臧吏四百餘一時出遣幽隱必燭淹滯悉伸令佐有
解印去者兩浙至今稱之甲申
今上即位首請斥逐棊客琴翁盡史之濫官汰省胡僧
之濫宴異端之冗費

詔皆從之奉命藉延綏民為土兵俾自戰守以實邊陲
公經畫有道民不擾而兵集丙戌監禮部會試防範謹
嚴有金簡者既落卷比寫榜公取閱之告主司曰此誤
落當中式主司執頷定難改尚書姚公起拜主司曰御
史言是材不可枉不得已取中而削一多疵卷既而廷
試果中第一甲第三名賜進士及第人服其明簡今復
陸姓丁亥吏部錄其賢能陞太僕寺少卿公素善相馬
而濟以至公請託不行盡除宿蠹前此卿佐出督馬囊
橐重載多為盜所乘公出惟衣冠一笥文案一束而已
嘗行冀州道中賊馳五騎來劫之公即下馬命解衣笥
并鑰七與之任檢視賊相去百步許詢知是公大驚曰

此李少卿也吾等誤矣清官不可犯即不啓鑰上馬愧
謝而去丁酉陞都察院右僉都御史戊戌轉左僉都御
史奉 勅督漕運兼巡撫鳳陽抵淮南半載以疾卒于
寓館漕運總戎平江伯陳公治兵有紀律前都憲多異
見辭合獨敬公老成練達政令公恕弗阻激揚其卒也
陳公閱館中僅遺小大衣四十件餘一無所畜乃哭之
慟買良材為殮遣棺使送還而重遺賻禮厚恤其孤且
為請于朝乞命禮部諭祭工部遣官營葬事

上時雅念公奏入即皆准行而陳公義聲亦因之嚮動
朝野公生洪熙乙巳十一月二十二日卒成化己亥六
月三日享年五十五配張氏慈慧貞淑累封恭人子

二長其次憤女四長適醫學訓科劉濂次適縣學生史
應雄次聘張某次聘段某弟絃扶襯歸自淮擇成化十
六年某月某日壘城南舍里庄先塋淳以同年交厚為
銘曰

李始晉陽徙家東魯晦于初庭顯于慈父維公挺生充
華厥祖卓行信言圓規方矩蚤興於詩薦名天府爰偕
我游選登龍虎維時榜中英豪濟濟而公賢能器識尤
偉內肅百僚霜清國紀柔亦不如剛亦不吐外巡邦畿
繡衣金斧惡殫善彰風飛草靡轉參伯罔蠹剛令舉遂
陟都臺屹中流柱漕柄總持畿民燕撫煥昭英文允諧
雄武富國及期雲來萬疇袞職闕違待公歸補傷哉命

手一疾難愈乃心邦家厥施未溥廟堂興嗟失茲公輔
孰旌厥忠九重錫祉孰卹厥孤卽恒隆禮生榮卒哀有
終有始慶敷靈苗魄寧厚土嗚呼後賢尚聆茲語

勅封戶部主事顧公墓誌銘

公諱真字秉誠其先家常之武進族鉅且蕃儒而仕者
代嘗不乏洪武初大父并一以間右戍遼左因家焉父
顯敦理道好施予隱德弗耀公夙承家訓循循推飭不
尚華藻事親共子職與人交必信久而不急處鄉里恭
謹和易恂恂如也鄉鄰有貧困者輒周之予雖多不吝
遭二親喪哀毀骨立葬祭無違禮士大夫譽之子能資
稟秀發幼有大志公遣補郡庠生且命從前監察御史

江夏辛公授書經習舉子業凡贄見及歲時禮儀靡不
曲盡能承厥志景泰癸酉領山東鄉薦明年試春官不
偶歸即勉之曰古人戒少年登科况年方壯進未可量
尚宜烝烝力學以遠大期今雖一蹶殆天意老其材用
乎能聞訓益加進脩天順丁丑舉進士甲科觀兵部政
拜戶部貴州司主事公躬至京視之傾囊給費歸又諄
切戒諭曰嘗聞餓死事小失節事大規官有俸祿民之
膏脂克儉足贍一家毋侈服食以玷名節用是砥礪行
檢廉聲大著三載考居上第賜勅褒賚仍推恩封公如
子之官階承德郎今年夏偶嬰疾不起易箦時遺孺家
人致書能曰吾家世以忠報國吾不仕而教爾仕承先

志也爾但當披摠忠冊幸脩厥職毋忝我世澤吾雖在
九原猶不死也爾其識之言既而卒時成化戊子十月
庚子也距其生永樂壬午某月某日壽六十七娶湯氏
先公二十二年卒贈安人繼黃氏封安人子男一即能
湯所出也能聞訃哀慟幾絕將歸以明年某月某日葬
公于遼陽城東之原乃奉河南道監察御史胡公以道
所述事狀來請銘予因是竊嘆遼陽遷謫多詩禮家然
子孫既專業武則無暇治文矣文學之興實自辛公始
蓋辛公子鄉先達正統間官南臺時權姦用事方赫赫
乃率群僚抗章劔擊竟為所排去初至遼貧甚公言於
總戎延之開館授徒自是遼陽累科登第不闕今以道

暨郡守周子邁邑令邵奎與能輩皆名進士而賢能書
所載歲與齊魯等孰謂君子之道終見廢於小人邪久
之

恩詔賜辛公歸故鄉已先卒矣公又偶群賢賻贈特厚
此皆行人所難行者雖天道有在而辛公受德亦豈淺
淺哉予固願銘之以勸後人銘曰

顧從于遼吳舊有聲維澤之遐家以世亨維德之隆親
以子榮嗟爾遼人勿剪其樹勿覆其塋

徐文德墓誌銘

士君子能卓然自立於斯世必有道焉敏於治生則可
廣其行謹於律行則可正其家勤於衆善則可榮其身

而福其子孫斯三者雖庸德亦人所難非立志高則事
莫成非用力多則功莫就吾今有取於承事郎徐君文
德之賢矣君名政文德其字世為武昌興國州人高祖
壽曾祖原祖宗一值元季皆隱弗仕考友貴妣弘氏產
四男子君其長也君生於永樂丙申五月二十八日少
端厚警悟攻舉子已成念友貴翁隸戎伍勞苦遂棄其
業而代之帥愛君服武而能文也優待弗敢後天性至
孝事父母雖隆寒盛暑未嘗須臾離居喪哀毀踰禮處
其弟曰敬曰敏友愛尤篤利之所在輒推而弗居
或稍拂其意亦不較弟早卒遺二孤女長者五齡次猶
在襁解君育之無異已出各為擇所宜歸一門數百指

同爨無忿爭語鄉俗感化焉初窘於貧勤苦自立率族人務本力農家遂饒裕自奉甚儉衣食稍豐輒感然不寧曰何功而享此也至救災拯患則不遺餘力鄉之耄倪無所歸者貧不能衣食者歿無力葬者恒周卹之惟恐後歲丁丑大旱饑者枕藉於道君發粟數十石作糜食之全活甚衆庚辰有事南夷募民納粟授散官君首應詔授七品階承事郎生平好善惡惡惟公且嚴人有非義雖親故必斥絕改而止遇人無小大無敢慢人或爭訟曲直未決得君一言即解居常喜讀儒書於僧道巫祝疾之如讎曰此吾儒之賊也少從學吉水蕭希瓚天順初復敦請于家塾教群子弟及鄉鄰子弟願

學而貧者代具束脩以上長子鏞遂舉進士甲科拜行人遷山東道監察御史清謹名著遇事敢言有父風次子鉞領甲午鄉薦寢致通顯鏞為行人時君嘗來視於京邸手書清慎勤三字授之已而南歸又閱六寒暑而卒時成化丁酉閏二月二十三日也壽六十二配從氏子男三長即鏞次即鉞其一尚幼女二長適舉人韓伯清次蚤世孫男一楸孫女二俱在室鏞時出巡通倉聞訃而還哭踴毀齋將歸以卒之年某月某日塋君于某山之原乃奉中書舍人楊應寧所述事狀來請銘應寧有言曰君之心固無遺憾予所惜者三德浮於壽一也鄉黨失老成後進無所觀法二也二子方嚮用褒封有

日而遽不逮三也天實為之謂之何哉吾亦以為確言
銘曰

徐以國民疏派富川慶鍾巨族千百其年自君發祥宗
由義聚澤留至仁前光後裕我昔覲君鄉飲大賓望之
秋肅即之春溫金豸滕前帝有良弼曷下少延待此褒
勅富川俗厚君實化之嗟爾鄉人勿墜令儀山川炳靈
子孫昭祚太史作詩以永終譽

沈母傅孺人墓誌銘

南郡石首多故家雖經兵燹其存者猶歷歷可紀調絃
里有沈氏有傅氏沈處士必文娶傅氏女善誦是稱孺
人世德濟美焉孺人先世新喻元季五代祖以鉅儒師

石首因家石首任

國朝傅氏最顯稱者大理寺少卿啓讓蜀劍州判官綸啓讓孺人諸父綸凡也以啓讓貴贈孺人祖汝霖奉政大夫河南按察司僉事祖母楊氏宜人孺人父啓訟涉獄子史潛德弗耀母許氏繼劉氏俱賢淑蓋傳之為家男子務耕讀婦人勤絲枲客過之但聞滿室詩書機杼之聲而外內寂若無人大孝小順聽命長者其家教嚴宜子孫多喜也孺人生鍾慶澤質懿性良而又承家教之篤精女紅盡子道事繼劉得其懽心劉撫之厚已出其配必文又卿恭人鍾愛為擇所宜也初于歸時翁司聰已卒孺人恨不及養而隆孝姑劉氏前知廣平府用

才女劉守貞節以禮範律家甚嚴而孺人用修於室者
行於家恭執婦道動應儀矩食必侍寢必問疾則凜凜
焉不遑寧居至於財物取與人事應酬宛然內則家法
務悅其姑固微而久而怠姑嘗迎致其母歷稱孺人
賢行且曰吾門其昌大矣乎深自喜也姑卒夫婦哭甚
哀替行喪葬一循古禮孺人歸沈氏五十餘年無間言
無忤色溫順所天敬戒如一日處士富而好禮為鄉長
者凡蒸嘗之舉賓客之奉宮室之再造孺人內助之功
居多常篤恩義以撫安族屬子姪歲歉脫簪珥濟之不
吝敦倫理以勸化里婦悖傲夫姑者卒為善人近和鄰
里遠睦戚姻下恤戚獲具有仁惠此沈氏所以興也其

生永樂甲午某月某日卒成化丁未五月一日壽七十
有四卒之日乃以哭夫致足疾云子男二長鑿次鑿督
教勤厲鑿幹盡成立鑿為縣學生領成化丁酉鄉薦寔
致顯融女四長適李巖知峨眉縣豫之孫次適倉大使
趙欽次適平江秦滄俱大家次蚤世孫男一通濟定仇
袁氏廣西布政愷之孫鄉進士宗臯之女孫女四尚幼
鑿兄弟擇卒之年十二月某日葬孺人于黃蓮山夫塋
之左而鑿適謁選歸乃奉進士鄭宗載狀請墓銘狀稱
孺人羣行超衆婉而正質而不華寬簡而不戾於中詞
非溢義而予專指家教言者究其本也本豐則末茂天
下烏有女子無家教而能益夫者哉銘曰

卓荆山号峙陰德流江水号衍陰澤歿同穴号拊
選錫類子永貞吉